

陸
豐
豆
縣
志

中華民國二十年三月

陸豐縣志

金曾澄著



陸豐縣志目錄

序

陸豐縣形勢畧圖

一 星野

二 疆域

三 建置

四 秩官

五 學校

六 祀典

七 選舉

八 人物

九 賦役

十 水利

陸豐縣志

目錄

十一 兵防

十二 藝文



序

人類之演進有賴乎史史者所以紀人羣進化之蹟也縣之有志義亦史也我陸豐自前清雍正九年置縣乾隆十年王之正先生始修縣志自時厥後迄於今殆二百年無繼起者其間沿革變故渾渾然多不復可尋考而輓近滄桑世變尤極人類空前未有之劇缺然不載何以昭示來茲顧修志之難賢者病之淺學如斯臧輩何敢輕率從事貽邑人羞且王志已佚近始求之鄰封惠來林萬泉先生假以付梓並將黃墨園先生所爲陸豐鄉土志附刊王志之後其他記述未敢率爾後之君子尙其諒之民國二十年三月馬斯臧識

圖例
 縣城 〇
 區市 〇
 鄉村 〇
 河流 〰
 山脉 〰
 橋樑 〰
 縣界 〰
 區界 〰
 公路 〰

三十九萬分之一

0 10 20 30 40 里

比例尺

五華

陸豐縣形勢略圖

揭陽


紫金

惠來

海豐

白水湖

海



陸豐縣志

星野志

周禮保章氏以星七辨九州之地所封之域各有分星以辨妖祥分野之說始昉於此諸家聚訟不一豈真有難盡信者與然觀象察變因天驗人固天文家守之不可廢也志星野

分宿

自南斗十二度至須女七度是為星紀干辰在丑吳越之分野今江南江西浙江福建廣東廣西梧州爾雅釋天星紀斗牽牛也通志云謹按爾雅本文星紀祇言斗牛而不及女然注疏則曰丑為星紀初斗十二度終婺女七度

牽牛明統志粵廣州牛女分野南雄韶州肇慶高州雷州瓊州同惠州潮州

按粵東分野或稱斗牛女或稱斗牛而不及女諸說紛紛各異至惠州府壬寅志又稱惠在吳之南尾箕在斗牛之下惠宜若殷乎尾箕援南粵錄左帶牛頭右據龍尾之說通志以為未可垂信夫陸邑一隅耳分野統於全省無庸另為一說謹遵通志所編者著之互異諸說概不並存以歸簡要

氣候

粵居極陽之地氣候與中州別語云四時皆是夏一雨便成秋通省大率皆然陸邑三面環海北枕崇山陰濕之氣盛于陽煥陰陽氣偏而不和故相盪相薄一日之內氣候屢變一歲之內暑熱過半臘月久晴或至搖扇夏月連陰復生凄寒其于人也陽氣常洩腠理不固風濕偶感多眩暈染瘧痢宜順起居節飲食漢書曰楊粵之民其腠理疏其性耐暑蓋衛生者所當服膺也至于百物生成之遲早與夫人事作息之應候大概通省相倣不復多贅云

風信

陸地三面臨海故多風土人相傳有青凍有赤游有狂龍浪泥等號其變而大者莫過於颶蓋風母也南越志云颶母即孟

婆能具四方風挾淫雨常作於夏秋間勢暴力猛萬籟驚號以至損稼壞舟拔木發屋害不可言人無寧處黃帝風經云折揚奮勵天之怒氣夫濱海之地四時更變風應其候固有常期而颶風卒發或加以驟雨先之以回祿害生不測非可以常視之司牧者因災告而修省補救焉正所謂知其常而又當知其變爾

二十四番花信風南北皆然濱海稍異

渡海風 每歲三月二十日相傳天后渡海南則必有風

立夏後海響多有風雨若愈響愈近颶風必至

船舶風 海濱於初夏時每有風隨洋船而來謂之船舶風坡詩云三春已過黃梅雨萬里歸來船舶風諺云日沒胭脂紅無雨也有風又云風起早晚和須防明日多


春風易傳報一日南風則一日北風 雲若砲車起則必大風坡詩云今日江頭天色黑砲車雲起風欲作 水際色靛青大風必然生 秋天雲若陰若無風則雨

每月內遇箕壁軫翼之日多有風起

每歲於十二月二十一起一有風則明年正月有風二月有風一日幾次有風則是月亦幾次有風諺曰南風尾北風頭南風愈起愈大在尾北風一起便大大在頭歲寒時南方南風則霧霧從地起南風之尾為之其散必以北風暖起而寒止北方北風則雪雪從天降北風之頭為之其散必以南風寒起而暖收陰陽通復之理也

潮汐

嶺東潮汐初無同異候潮之法以太陰所躔天盤子午卯酉之位定其消長月臨於午為長之極歷未及申酉而漸消消極復長以至於子自子至午復如之此其大較也陸自烏墩以外汪洋大海潮汐消長有五節晦與望後三日為平潮又三日為落潮又三日為敗潮此自長而消者也又三日為起潮又三日為旺潮此自消而長者也平潮之潮夏在辰冬在午春秋在己其汐夏在戌冬在子春秋在亥落潮各退一時敗潮進二時起潮亦如之惟春汐如平潮旺潮視起潮各進一時要之大小之候消長之期則大塊一氣沿海之區固無二致爾



疆域志

海陸分疆西屬海東屬陸經界攸辨井里不紊為濱海要區惠潮孔道也往者險阻阨塞之地寇氛憑藉為患至遷界棄之今則土田日闢戶口殷繁又分縣理之盛衰盈虛之數可知矣履其地而思所以永奠之豈異人任哉志疆域

四至衝要

東自縣城起八十里至葵潭墟係惠來縣界屬衝路
西自縣城起三十里至白沙塘分水橋與海豐縣交界屬衝路
南自縣城起十里至烏墩港口自烏墩五十里至碣石衛城屬僻路大海
北自縣城起三十里至大安七十里至河田汎五十里至旗頭嶂以山頂分水為界嶺北係長樂縣地方屬僻路險要
東南自縣城起一百一十里至甲子櫃表渡與惠來交界屬次衝
西南自縣城起三十里過南海灣至大德港海豐縣界屬僻路大海
東北自縣城至河田汎起分路五十里至五雲洞汎又分兩路一自五雲洞汎起四十里至湯峯逕過逕即長樂界一自五雲洞汎起五里至平門逕與揭陽縣地方交界屬僻路險要
西北一自縣城至河田汎起分路五十里至萬峯汎萬峯汎十五里至蕉葉寮與永安縣交界屬僻路險要一自縣城至大安分路五十里至參將府汎五十里至分水凹與歸善交界屬僻路險要
縣城至郡城三百五十里 至省城七百一十里

形勝

治當山海交錯職司土者非鷗張孤伏之慮即長鯨怪鰐之防有固然已陸邑東自烏坑大坪折而之內洋劍門坑又折而之羅溪游頭嶂綿亘二百餘里水環山東谿谷嶮呀許山新田吭背扼要乃若沿海一帶自甲子而湖東而大德港口石礁角立巨浸滔天實亦一大觀也志其形勝其有綢繆之計而不徒為憑眺之資乎

八景

圖嶺斜暉 嶺起平地中橫巨面海天開邑治屏障每當落暉返照晚翠噴射含映亭亭比朝霞更勝石岩上鑿有夕陽高臥四字在邑北七里

洛洲芳草 洲乃洛洲漲成遠托岡嶺春時新綠平鋪錦茵一片有滿一麓蕪草香晴蟬之趣在邑西三里

龍山烟樹 山為邑治左輪上建院宇週迴嘉樹羅植在邑東二里

仙橋夜月 長虹飛臥右隱迴瀾風靜夜沉之際水月空明在邑南門外

烏墩歸帆 墩為海口巨艦舳艫大小咸集在邑南十里

法岫停雲 山頂多烟雲繚繞并有石室寬數丈石上遺蹟掌痕分明在邑西十里詳見古蹟

碣臺觀海 臺結山半西連三台俯視蒼茫在邑東五十里

甲石吞潮 石立港口應六十甲子之數每當潮水澎湃有若吞若吐之勝在邑東一百里

附甲子八景

六十甲子欄 潮來人字水 雙帆跨海島 五馬渡江邊

仙人踏石蹟 海甲蓮花山 西峯古寺 雷廟天堂

邑中諸山

饒頭山在邑東北一百一十里峰岩員秀上產奇花異卉

弔旗山在邑東一百二十里狀如飛旄半枕海上凡西南洋船入貢望此為識

圭山在邑東一百二十里有石卓立狀若執圭故曰圭山一日龜山以湖中之石大小浮露水面若龜然也舊設有巡司直其下今廢隔湖即臺來界

八萬山在邑東六十里舊為平南王藩下商人礦場禁絕已久今奉題請開採礦砂稀少現經停採

大安山在城東七十里唐設安陸縣今爲大安屯

九島山在邑東七十里海東諸山發脉于此四圍諸峰聳銳故有九十九尖之稱

燈籠山在邑東六十里下有塘長以里計內產紅白荷花開時艷粉錯落經山之麓滿路皆香

五峯山在邑東六十里山由三合嶺發脉經九島諸峯逶迤數十里至此突起五峰狀如五指分枝抽幹絡繹出海乃礪石一方之祖山也山下有寺曰環田菴

筆架山在邑東四十里卓立三峯像如筆架橫看側視面目皆同乃墨尾一方祖山也一名鷹弔東惠來懸隔百里猶見三峰峭立亭亭天外登山遠眺則身在翠微中遙見海大無際島嶼微茫萬家烟火依稀數點可謂極耳目之大觀已山北即葫蘆百萬諸崗神山在邑治東十里諸山絡繹皆赴縣治

金龍山在邑東南二里即俗名鷄籠山上建文昌宮書院徧山皆新植松柏龍山烟樹爲八景之一

白石山在城東一百里

石梯山在邑治西北三十五里

伯公凹在邑西五十里兩頭高山推此凹平伏橫直如帶新舊兩縣交界

西山在邑西四十里高數百丈狀若峨眉

九龍山在邑五十里產茶頗佳與虎山峙

法留山在邑西二十里高塔雲表巉石巖立上有石室寬數丈唐元和時僧大顯居之前爲放生池宋邑人林雷煥建書院於上今廢山腰有石足蹟長二尺許掌痕分明去山數里又有石屹立道旁掌蹟長短如之俗謂仙人踏石山中舊有燈光寺今圯法岫停雲爲八景之一

巖前山在邑西二十里怪石嵯峨大小千百峰石巖幽深不可測

玉印山在城東隔岸

葫蘆山在城東三十五里

腹石山在甲子門下有宋帝陸相遺像半明滅矣

田尾洋山在邑東八十里卓立灣濱人洋之船望此即知礪石港也

豐縣志

疆域志

元武山在邑南六十里礪石北門外不甚高然登其上則海天風景盡入目中矣下有石泉礪石之水即以此爲佳礪臺觀海爲八景之一

虎頭山在邑南近東十里狀似虎頭在烏墩港口有大虎小虎皆肖形也

高螺山去邑治三十里在大德港水中形似浮螺

金樹洋在邑東南在礪石海中色微赤時作朱霞掩映或又稱曰蓬萊分島

土地嶺在邑東南六十里諸山綿亘至此一徑可通登嶺則遙見海天蒼茫無際今係往來官道

觀音嶺在邑東南有觀音禪堂凡邑中抵礪石者於此憩息

小塘嶺在邑東南一名半踏嶺高數百仞諸山蜿蜒隔限南北居人往來則各從此嶺攀涉

旗頭嶺在縣北一百里高千丈綿亘數十餘里陸邑祖山也山之北爲長樂界前明時屢爲盜窟路絕行人今則往來貿易安馭康莊已山麓即羅溪水南匯於陸北流入長樂

望雲嶺在縣北近西一百三十里宋文天祥長子道生及杜濟鄒瀛逸去乃屯南嶺即望雲山也山週百有餘里四高中衍

惟一路通險阻可據舊傳信國駐師於此時軍中無燭探生竹燃之火光燭天又蚊蛙多兵不得寐丞相視而遂絕至今猶

然蓋其精誠所感也舊設有守備捕盜公署今廢按海豐縣志云嶺在邑極北二百餘里以輿圖考之在海豐爲正北者

於陸豐爲北之西矣又云界分長樂考之府志及永安諸志皆曰此山週百餘里則其綿長可知大抵此山之北東屬長樂

西屬永安山之南西屬海豐東抵萬峯僅三十里即陸邑界

五雲洞在邑北一百八十里四山環抱若碧玉環重崗複嶂如斷如續村居大小錯集其中

許公嶂在邑北九十里明賊首藍一清集大征後設兵守之即今河田營

蓮塘山

新田山在邑北七十里崇山大崗北路要地明時爲馬祖昌巢大征後城其地設參將捕盜公署皆郡司馬周公宗武及參將侯繼高營督之後廢爲民居雍正七年復設守備駐防

鷹嘴嶂在邑北五十里高數百丈週圍十里狀如鷹嘴中有石巖每遇天陰欲雨則狀如飛烟散霧轟震之聲從山中出聞十里以外若霖雨欲晴亦然但非欲雨之狀耳土人以驗天時百不爽一山下有寺曰竹仔菴

犁壁坑在縣北七十里萬山羅列中逕山峰壁立若刀削成惟一徑攀援可上其巔巨石林立有巖可容數人膝坐舊時最爲盜穴及礦徒私採之所

犀頭山在邑北近西三十里狀若犀牛在大安水口下有小潭土人以水之淺深驗其地之貧富號爲聖潭大旗山在邑北近西二十里狀若飛旄因名

石頭山在邑西北一十五里山多巨石

河頭嶺一名河圖嶺在邑北七里邑北諸山由旗頭嶺發脈或起或伏絡繹不斷惟離縣治十里皆平林垣地至此突起峻嶺爲邑屏障若天然位置者山下舊有曲水流觴臺今廢嶺斜暉爲八景之一

火山在邑北八十里近河田色紅若火

內洋山在邑東北六十里一名三日中巨石對峙循徑而入山澗屈曲明季賊首楊子亮所據巢立六營今居民叢集改曰內洋

老軍嶂在邑東北

馬山在邑東北五十里山如天馬明季亦爲賊首所據

古蹟

陸安縣城 在大安屯唐武德五年分建後復省入

七星池 大小聯綿如七星在北門外舊墟築建邑城後填作民居今只有一池在城內以深廣未及填築

大顯巖 在法留山嶺有巖如屋唐大顯常居之有放生池宋寶祐丁丑邑人林雷煥建書院刻石志其事今廢

登光寺 舊在法留峰後不知何因移在邑西門外有石香爐鑄宋咸淳年號後寺又移遷北門因建邑城有碍更移入城內七星池邊今石香爐現存寺外

曲水流觴臺 在河圖嶺俯臨江邊傳近山鄭姓創設者山腰石壁鑿四大字曰夕陽高臥

桂林石 在碣石衛高二丈五尺宋祥符中大夫陳憲宦遊經此大書桂林二字

三石壇 在碣石衛北門外即衛城八景中祈雨龍壇也下有潭今淤涸

止水石 在小靖場南數里俯臨大海石高而方面鑄揚威止水四字石陰鑄鎮海石三字左鑄天南砥柱四字字大如斗筆勢雄整

臥水窟 在碣石衛舊有識云石橋場臥水窟五百年來狀元出

登瀛坊 在甲子所港下有巨石十八屹立波中宋承奉郎范良臣刻登瀛二字于石取十八學士登瀛之義也坊今廢唯宗航至此良臣留帝登石上給軍食三日仍勒像于石石上冕而跪者帝也跪而進食者良臣也旁鑿大字四曰君恩如海

圳頭佛穴 穴與五峰相類當環田未顯時祈嗣輒應及環田飛來佛與穴遂寥落不顯矣

甲子石 在甲子港口恭差嶼列點數六十通符甲子之目故名

環田佛穴 在五峰之麓石壁如屋有穴流水秋冬不涸亦莫窺其底三石佛峙其上傳是飛來求嗣者禱於佛以手探穴中凡銅錫瓦石等物得則男不許則無所得

三台石 在碣石衛舊有識云一拳打破三台石三歲孩兒也沒頭明提舉司王一權大書三台石三字于上厥後海寇破滅殺戮之慘果與識語符應云

擎天石 在甲子所北門內時立鋒拔高出雄堞丈餘中開一痕俗謂雷打石胡文煊銘其上曰天開甲子巨石臨門一聲霹靂震動乾坤字大如斗餘銘皆蝕莫辨

宋帝亭 亭在甲子所待渡山下宋承奉郎范良臣進帝食處明恭將張萬紀守備胡文煊建

望海樓 在碣石衛今廢

瑩墓

兩淮節度使李瓊墓 在碣石衛北門外米舖涌後子孫移居在甲子所明萬曆癸酉科舉人李棠即其遺裔也

朝奉郎李知彰墓 在甲子所娘子山節度使李瓊曾孫

明翰林院江南監察御史李實墓 在碣石衛

孝廉李棠列婦卓氏合葬墓 在石航海甲蓮花山下

文林郎饒陽知縣蔡春遇墓 在屯仔

勅贈文林郎蒼梧縣知縣章美墓 在烏布

郡邑大賓處士黃卿墓 在墨尾 金京山

封徵仕郎光祿寺署丞章華國墓 在黃塘寮後

誥贈奉政大夫福建按察司僉事原任汀州府歸化縣知縣黃易墓 在官塘龍蟠嶼岡後 文并墓志銘附於後

封文林郎盧弘濬墓 在大塘鄉大石山後子 恩兵部車駕清吏司

文林郎繁時縣知縣黃繼隆墓 在環山 五峯山

文林郎懷集縣知縣兵部車駕司主事盧恩墓 在礪石松 竹鄉前山

修職郎通山縣教諭黃淑墓 在浦口橋墓碑書湖 通外史黃勿堂之墓

誥封孺人林氏葬黃淡水鄉石山

鄉都

坊廓都所屬

西頭 潭涌 上股 下股 沙塘 分河 大霧 茅洋 軍寮 雙堆 下寮 磨海 點頭 大洋 超溝 赤墩
 沙陂 內湖 東山 烏墩 白沙 大塘 網寮 大寮 小塘 城尾 西林 下學 南灶 員山 塔兜 蕉坑
 石寨 八萬 洋口 陂溝 產田 馬山 棋子埔 錢厝寮 港子尾 溪頭葛 高螺鄉 隴頭鄉 深草洋
 南海甲 牛岡鄉 岩前鄉 石頭山 洪厝圍 花厝寮 蓮池鄉 大石下 牛母湖 望尾市 俞厝寮
 蛟溪甲 將軍塘 白藤林 十二岡 燕子埔 大安埔 尚書埔 仰勳寮 安業寮 墟尾寨 西山寨
 朱家寨 馬路鄉 葫蘆寮 鹿州

石帆都所屬

附 豐 縣 志

疆 域 志

五

南塘墟 蛋家埔 石帆村 黃家寨 龍潭甲 娘子寨 宋厝寮 燈籠山 阮西寮 魚池鄉 上巷鄉 茫湖鄉

圭湖鄉 華清鄉 半徑鄉 後溪鄉 大塘鄉 烏墩鄉 赤嶺 長山 螺潭 東山 白寮 海角 後林 北湖

吉康都所屬

上護東甲 上護西甲 河田甲 五湖墟 南溪埔 南丫頭 賴僧屯 獅子嶺 北坑村 北溪埔 大溪峯
 田螺塘 吉溪村 羅溪甲 羅溪墟 黃塘約 崙嶺村 五雲洞 新田 西甲 東坑 吉溪 上砂 下砂

墟市

東海灣市 西門街市 在邑治 學尾市 南塘墟 甲子所東門市 邑東 大坪墟 邑東北 湖東市
 礪石衛東門市 邑東南 烏墩市 多貿易海產 潭涌墟 邑西南 大安墟 河田墟 羅溪墟 俱屬邑北

街巷

迎仙街 太平街 馬安街 多歇店舖 金馬街 此數街名 油車街 下街仔 蝦脯街 竹仔街 打鐵街 買蔴街
 西門街 多歇店 內各街 新標列者

以上俱係邑城外街巷各鎮集街巷煩瑣難登

風俗

正月七日以菜七樣煮食云令人益壽競檣神以鼓樂儀仗謂之出遊各村村落設供以兆一歲平安

二月二日粉榆同里共祝土神以祈豐年

四月八日農家祀牛辰

五月端午觀競渡於迎仙橋

七月七夕是夕家家于夜昏時取井中之水以瓦器盛之水味雖久不變可以合藥

十五中元盂蘭會各家買酒醴祀先不論貧富農人備牲醴報謝土地

九月九日重陽泛酒登高小兒放紙鳶為戲以競勝

十月朝農人田工初畢多造米粿及牲醴等物勞治農者謂之完工各墟集亦多演戲酬謝穀神彼此擊鼓以御田祖之意也
臘月二十四為小年夜祀竈掃屋宇

除夕易門神貼桃符燕炬設饌祀先老幼咸集團飲團年團坐達旦謂之守歲爆竹聲喧競至徹夜謂之興年
按陸之歲朝伏臘納節慶時與通省同吾故表之於右己至若吉凶賓嘉之禮衣冠服飾之制好惡奢儉之異即一邑之中習尚攸異不能一致非可執一以為風俗也上之人有能化以禮樂教以詩書積歲月而漸摩之則海濱鄙魯之風庶可馴致哉

物產

穀之品曰稻稻有三種粘之類有赤粘黃粘白粘遲粘埔粘而交趾粘最為繁盛糯之類有安糯赤脚糯高州糯黃糯白糯早糯埔糯梗之類有白梗赤梗香梗

豆有九種綠豆白豆黃豆赤豆雪豆猪牙豆虎爪豆裙帶豆近有參豆即本草落花生
麥有二種有穀為大麥無穀為小麥曰芝蔴細粒曰黍稷多種高埔稷似黍而莖小近有崑種於海潮消長濕地生者不費人力亦一種也曰番薯有二種有紅有白蔓生易種而實結於地其有資於食用者利甚薄富五穀不熟之時貧民恒利賴之

瓜之品曰西瓜東瓜香瓜王瓜苦瓜金瓜絲瓜

蔬之品曰薑 韭 葱 蒜 蘿蔔 茼蒿 苦蕒 茄 白菜 莧 筍 蕓菜 紫菜 赤菜 芋粉菜 芥菜

仙掌薯 芋 胡萎 菜藍

果之品荔枝 龍眼 楊梅 香丸 柑 橘 佛手柑 桃 餘柑 波羅蜜 梅 梨 柿 李 香蕉 蓮房

石榴 金桔 紅棗 橄欖 柚 菱 蔗

藥之品曰香附子即草頭香 蒼耳子即羊耳草 史君子 地骨皮 紫蘇 菖蒲 天門冬 木通 芭豆 桑白皮 骨碎 牽牛 金銀花 山藥 白芨 小茴香 三奈 山梔 木鱉子 麥門冬 藜

竹之品曰金竹 觀音竹 黃竹 石竹 桂竹 紫竹 荊竹 苦竹 赤竹 麻竹 斑竹

木之品曰梨 檣 松 栢 棕 桂 槐 山棗 榕 榕樹大台圍者陰可半畝暑月宜背張公亮令揭陽署有榕樹賦汀州以北無此樹 楓 柳 樟 杉 苦楝

相思樹 其堅可比鐵梨探多今無

花之品曰蘭 桂 蓮 菊 含笑 鷄冠 鸞爪 薔薇 錦堂春 山丹 指甲 長春 玉簪 剪絨 剪春羅

山茶 木槿 狗牙 紫荊 萱花 七里香 佛桑 紫薇 月記 夜合 海棠 醉芙蓉 瑞香 綉毯 木筆

美人蕉 鷄爪蘭 五葉蘭 夜來香 仙人掌 碎玉 產連塘山下井邊葉如觀音符花如郁李高二三尺

風胎草 可占一歲風生連塘山中草高葉似燕窩弱如葉折痕明斷主大風無痕及痕細而半減皆風即有亦小

書帶草 生連塘山中梅花書屋葉如燕大者如蘭花於七月白色為穗

布之品曰棉布 葛布 苧布 麻布 牛油蕉布

鱗之屬曰鱸 蝦 鱈 白帶 三帶 黃魚 鰻 馬鮫 鯉 鱔 蚌 紅花 比目 筍殼 鯽 河豚 鮎 鱒

鱧 金鱗 鱮 烏賊 鱈 跳天 銀魚 塗魚 烏魚 沙問魚 鮓

介之屬曰龜 蟹 蠶 蠍 九孔螺 蛤蚧 西施舌 沙伯 香螺 蚶螺 海膽殼可為酒器

蟹 蚌 蚪 蜆 蟪

羸之屬曰田雞 石鱗魚

羽之屬曰翡翠 鷺鷥 鸞鴨 畫眉 啄木 孤鶩

毛之屬曰虎 豹 鹿 麋 豪猪 山馬 山羊 山犬 狸 豺 埔狗

海豐本禹貢揚州之南裔春秋戰國為百越地秦平百越屬南海出杜氏通典晉成帝六年析南海之東為東官郡改隸東官齊因之隋更東官曰循州大業初又為龍川郡唐武德五年析置安陸縣即今大安屯正觀初復併為循州或為海豐郡南漢更正州宋仁宗更惠州元正為惠州路明洪武戊申改為惠州府皆以海豐屬嘉靖三年析龍溪六圖之地為惠來縣而海豐尚存與賢楊安金錫石塘坊廟石帆吉康七都本海豐縣舊志迨雍正九年析石帆坊廟吉康三都為陸豐縣建治於東海瀆之舊寨城

陸安縣地 在縣北大安屯唐武德五年建正觀元年廢

今按縣北大安屯相傳為陸安縣舊址考府志沿革表唐武德五年析海豐置安陸縣後省入查縣志亦稱安陸非陸安也惟南齊時析懷安置陸安縣乃龍川地非海豐析置府志沿革可據又查府志輿圖內載海豐縣古名安陸則由來舊已迨雍正八年廣東通志沿革表以安陸為陸安而編年內又不詳其廢置古蹟內又以海豐為齊安陸縣與沿革表互異是即通志參觀其為安陸益信特非齊耳豈因齊有陸安縣之置而指彼為此乎今沿革表遵通志特附辨之

東海瀆寨城 明崇正九年建今改為縣治

縣城 雍正九年立新縣知縣黃煒建詳見後

本東海瀆舊寨城高一丈六尺東長二十一丈三尺西長二十六丈五尺南廣四十八丈二尺北廣四十三丈週圍共一百三十九丈一尺無馬路雉堞且狹隘不可多容因析去北面四十三丈置兵民房地一百三十五間析遷展地增築新城其週圍三百二十一丈一尺俱土合灰沙春築上加青磚雉堞高四尺連城身共高二丈城門四日東門曰西門曰南門曰北門計雉堞四百八十六個添築馬路二百七十八丈一尺城樓麗譙四座每座三間四城門俱有月城南門外水繞城孺西南接迎仙橋抵東海瀆為惠潮往來孔道

礪石衛城 在縣東六十里明洪武二十七年都指揮花茂建康熙八年重築

城高二丈厚一丈八尺週圍一千一百二十丈雉堞二千二百六十二敵樓四樓下關門池 深一丈廣一丈二尺

陸豐縣志

建置志

石橋場土城 明知縣張濟時建以禦倭寇居民賴之今城廢

甲子所城 在縣東一百二十里明洪武間千戶盛玉築

城高一丈八尺厚一丈五尺週圍五百九十丈雉堞一千一百八十敵樓四樓下關門池 深一丈廣八尺

衙署

陸豐縣署居寨城正中 知縣黃煒建

照牆一座 頭門三間 儀門三間 東西角門 大堂三間深三丈二尺廣四丈高一丈六尺 捲簾深一丈廣四丈川堂連二堂深一丈五尺廣四丈 高一丈六尺 宅門兩旁門房各一間 三堂三間深二丈四尺廣四丈八尺高一丈七尺 四堂住房五間深三丈廣六丈六尺高一丈八尺 西書房二進前進三間廣四丈深二丈高一丈五尺捲簾深一丈廣四丈高一丈四尺後進三間深二丈四尺廣四丈高一丈五尺 署內東西兩旁房共一十間 住房後群房七間 廚房五間 後院圍牆共長二十四丈高一丈二尺厚一尺二寸用土春青磚脚 大堂左庫房二間 右倉房一間 屯房一間 兩廊科房分列每科房一間共八間 大堂西側門房一間 班房二間 號房一間 在頭門內東邊 寅賓館 轎班房一間 民壯班房二間 土地祠在儀門外

內監女監共七間外監并獄堂共六間在大堂西偏圍牆二重共長五十五丈高一丈二尺土春磚脚

縣署週圍圍牆共一百二十丈高一丈二尺俱土春青磚脚

典史署 在縣署頭門內雍正九年建

城守千總署 在縣署頭門內雍正九年建

甲子巡檢司署 在縣治東南一百二十里甲子所城內雍正七年督院孔于改設同知案內改東海瀆驛丞為東海瀆巡檢雍正九年設縣議移東海瀆巡檢為甲子所巡檢

河田巡檢司署 在縣治東北九十里雍正七年督院孔于題准將平安驛改為河田巡檢

黃沙坑巡檢司署 在縣治西北九十里地與永安長樂歸善昆連山深箐密路徑紛歧
易藏奸宄雍正九年建縣案內議改海豐汕尾巡檢為黃沙坑巡檢

惠州海防軍民分憲署 在碣石城內雍正七年
年題准移駐詳見後

碣石鎮署 在碣石城內

碣石鎮中營遊府署 在碣石城內

碣石鎮中營守府署 在碣石城內

捕盜公館 在碣石城內今廢明嘉靖三十五年建

碣石鎮左營遊府署 在甲子所城內

碣石鎮左營守備署 在碣石將府

石橋場鹽課司署 在碣石城內洪武中設

小晴場署 在小晴

海甲場署 在甲子所

公館 在東海濤義學之左

參將府 在新田隆慶六年設官萬歷二年恭議趙可懷職議言新田宜城恭將侯繼高建新田城後廢雍正七年題設左營守備衙門

東海濤驛 明洪武四年建今裁為公館

坊表

文奎坊 在甲子門永樂十六年為舉人蔡顯立今廢

貞節坊 在後墩為節婦黃氏立

節孝坊四 一在東濤 關帝廟右為生員黃繼茂妻郭氏立 一在東海濤 關帝廟左為生員黃繼妻 一在藍子寨為處士黃實日妻蔡氏立 一在石頭山為生員沈龍妻林氏立

冲霄坊 為坊廊都舉人廖觀海立

梯雲坊 在甲子門永樂二十年為舉人彭舉立今廢

申明亭 在南門月城內乾隆九年十月知縣王之正建

騰蛟起鳳坊 在龍山書院前乾隆十年知縣王之正建

旌善坊二 一在西門外頭塘 俱乾隆九年十一月知縣王之正建 坊上題名善人 彭連雲 鄧士聰 莊爵夫 劉君平 楊良也 王起舉

一在東海濤金馬街 俱乾隆九年十一月知縣王之正建

郵遞

東路縣前舖十里至磨海十里至點頭十里至涌口十里至壘尾十里至蛟溪十里至長山十里至橫翠十里至南山十里至患來大陂驛

東北路縣前舖十里至磨海十里至鹹水溪十里至牛母湖十里至產田十里至三合十里至西嶺十里至草洋十里至葵潭

西路縣前舖十里至沙塘十里至法留塘 此塘下即崖陵與舊縣海豐交界

北路縣前舖 南路縣前舖十里至烏墩十里至小晴十里至觀音堂十里至崎石塘即碣石衛

養濟院

院設於東海濤鷄籠山下乾隆元年建 房屋一十八間

育嬰堂

堂設於縣城西門外前後屋三進各三楹後進廂房各一外為大門乾隆九年知縣王之正建 地係舊東海驛署地有 附錄禁溺

告示為嚴禁溺女之惡風勸行育嬰之善事以全民命事照得天地以好生為心帝王以養民為政故意存拯救雖蟻尚欲全生念切栽培即草木不折方長况人身實為萬物之靈而男女俱稟五行之秀既已屬毛離衷應念靡靡靡依若不保抱提攜更將何恃無如陸邑之惡風不改莫如溺女之錮習未

除貧窮者固率以為常紳家亦恬不知怪瓦經載弄之後棄之如遺免當三索之餘殺之罔惜獨不念受娠十月幾費辛勤又何難乳哺三年俾之成長聞
恩情于陶令女亦勝無若遺嫁如隱之犬何妨賣胡為遽施毒手畢性命于須臾頓絕生機委骨肉于溝壑縱胎從元鳥未聞指為不祥即產自空棄不應旋
遭其虐殞閨房之弱命傷哉誰識縶繫乘膝下之門楣痛矣竟天緒秀雖未盡才如班女上書救兄安知非孝並曹娥投江負父女可棄也試問身從何來死
即已爾究竟由自作本縣膺父母之任懷惻隱之心議建育嬰堂舍廣施保赤良圖凡有遺棄嬰孩樂給乳母撫養一切創置房屋及善後事宜業同縣屬
公正紳耆而加勸諭量力錄用具有同志靡不踴躍現在立簿勸輸以所棄嬰孩等軍民士庶之家如有產生嬰孩不能收育欲棄置道路或欲行溺死
者許開具該嬰孩生年月日送至堂中以憑撥給乳哺不致失所傷生合亟示諭為此仰縣屬軍民人等知悉兒女皆屬親生骨血本聯一脈何苦肆行殘
忍頓絕其生上干天地之和顯悖國家之禁自示之後各宜猛省本縣雖德慚愛物未能化
比中幸而念切仁民願願治師新息凡爾百姓其敬聽之毋負本縣諄諄一片婆心也特示

祠廟寺觀

天后宮 在東海濱

北帝廟 在縣城內廟極靈顯詳見古蹟

文昌祠 一在甲子所北門內擎天石側 一在碣石衛元武山巔背枕岡面 一在龍山書院左知縣王猶龍建有碑記見地文

忠貞祠 在東海濱金馬街康熙三十九年通邑紳士公呈知縣曰詳明上憲為殉難歸化縣知縣照福建按察司僉事黃易建其大安東海濱二埠永為忠貞祀費有碑

重光寺 在邑城北門內七星池邊雍正十二年知縣黃煜移登光寺佛相入寺因名重光

水鏡堂 在東海濱康熙己酉年建有碑文

國王廟 在東海濱萬曆十七年建

醫靈廟 在東海濱康熙七年建

關帝廟 一在東海濱崇正庚辰年 一在縣城東門外

長壽禪院 在金龍山麓康熙八年碣石總領苗之秀建康熙四十四年知縣白章重修為殿 聖道場乾隆九年知縣楊枝華更造俗名新菴

竹仔庵 在邑北大安獅子山下

陸豐縣志 建置志

登光寺 在邑西法留山建于宋初今圯詳古蹟

環田寺 在邑五峰山之麓詳見古蹟寺因頽壞有生員陳振南母高氏因割臂療姑病至寺祈禱姑愈高氏令南兄弟重新修築又捐租七十石以為香火之費今居人禮拜甚衆旁有石穴甚靈

點石寺 在邑東點石鄉右側

普渡庵 在島城港口庵前有渡舊日長沙田縣抵碣石經此

雙仁祠 一在碣石衛城外 一在甲子所城康熙三年沿海邊斥民皆失業總督周有德巡撫王來任力陳被害情形康熙七年恩准展界民戴其德今海濱多祠之甲子所一祠更寬廠壯麗

元武山寺 在碣石北門外一里前臨大海後環小岡寺下有泉頗甘碣石之水以此為佳寺後即文昌祠

城隍廟 一在縣城東門內 一在甲子城內

功德祠 乾隆三年總領韓良卿海防同知應上苑為兵部主事盧銀建以銀在崇正間有保城禦寇之功也祠在碣石城外城隍廟右

廣德禪院 在碣石城建自宋代康熙四十八年總領劉國興重修舊名弘德寺

崇報祠 為知縣張濟時建築石橋場土城以禦倭寇民立祠祀之今圯事見名宦

南海夫人祠 在甲子所城內祀孝廉李棠妻卓氏事見烈女傳獲救對聯云抱兒誓葬魚腹中四海鯨鯢破膽全夫直占鰲頭上九重日月增光乾隆十年知縣王之正詳請易名節烈祠

西峰古寺 甲子所城外昔有異僧遺隱語云寄語西峰古鏡臺白蓮留與百年開青螺背上無荒地維摩點頭我便來

福惠菴 縣東路創自明季乾隆八年知縣楊枝華倡捐重修

集福菴 在碣石城北門康熙十年苗總領建乾隆七年重修

龍泉寺 在大安油蔴埔後乾隆元年僧本亭募建

靈泉寺 在大安石壘嶼縣治三十里雍正三年僧嘉會募建因左右二洞可驗陰晴名曰靈泉山水清幽兼多古木怪石

石船寺 在邑北吉康都萬山中太常寺卿葉高標常讀書寺內今有巨松十餘株係標手植
東關 在邑東南礪石街大街順治十三年總兵苗之秀建舊名高山寺乾隆十年僧慧然募修

鄉約

凡州縣城內及各大鄉村各立講約之所設約正一人於舉貢生員內揀選老成有學行者為之值月三四人選樸實謹守者為之置二籍德業可勸者為一籍過失可規者為一籍值月掌之月終則告于約正而授于其次每月朔日舉行先期值月預約同鄉之人夙興集於講約之所俟約正及耆老里長皆至相對三揖衆以齒分左右立設案于庭中值月向案北面立抗聲宣讀聖諭廣訓各人肅聽約正復推說其義必剴切叮嚀務使警悟通曉未達者仍許其質問講畢於此鄉內有善者衆推之有過者值月糾之約正詢其實狀衆無異詞乃命值月分別書之值月遂讀記善籍一遍其記過籍呈約正及耆老里長默視一遍皆付值月收之事舉衆揖而退歲終則考校其善過彙冊報於縣官設為勸懲之法有能改過者一體獎勵使之鼓舞不倦

康熙十八年頒上諭十六條 每月朔望有司集紳士兵民編誦宣講

- | | | | |
|---------|---------|---------|---------|
| 敦孝弟以重人倫 | 篤宗族以昭雍睦 | 和鄉黨以息爭訟 | 重農桑以足衣食 |
| 尚節儉以惜財用 | 隆學校以端士習 | 黜異端以崇正學 | 講法律以儆愚頑 |
| 明禮讓以厚風俗 | 務本業以定民志 | 訓子弟以禁非為 | 息誣告以全善良 |
| 誠匿逃以免株連 | 完錢糧以省催科 | 聯保甲以弭盜賊 | 解讐忿以重身命 |

雍正二年頒御製聖諭廣訓序

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道為屬民覺世之謨法莫良焉意莫厚焉我聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革蕪從忠共成親遜之風永享昇平之治故特頒上諭十六條曉諭八旗及直省兵民人等自綱常名教之際以至耕桑作息之間本末精粗公私鉅細凡民情之所習皆睿慮之所周視爾編氓誠如赤子聖有謨訓明定徵保萬世守之莫能易也朕續承大統臨御兆人以聖祖之心為心以聖祖之政為政夙夜匪懈勉率由舊章惟恐小民遵信奉行久而或怠用申

誥誠以示提撕謹將上諭十六條尋繹其義推衍其文共得萬民名曰聖諭廣訓旁徵遠引往復周詳意取顯明語多直樸無非奉先志以啓後人使群黎百姓家喻而戶曉也願爾兵民等仰體聖祖正德厚生之至意勿視為條教號令之虛文共勉為謹身節用之庶人盡除夫浮囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有余慶其理豈或爽哉

縣屬約所

- 本城約一 華寮甲約一 鰲圍甲約一 南海甲約一 後墩甲約一
以上典史分管
大安墟約一 壘尾墟約一 新田墟約一
以上黃沙坑司巡檢分管
礪石衛城約一 甲子所約一 白沙甲大塘約一 南塘墟約一
以上甲子巡檢分管
河田墟約一 吉溪鄉約一 螺溪墟約一 河口三溪兵營埔約一 斷溪烏坑大坪墟約一
以上河田司巡檢分管

紀事附雜紀

宋端宗景炎元年冬十二月帝幸惠州次於甲子門 遣倪宙詣元軍請降陵都命其子元帥百家奴隨宙赴燕

明洪武二十七年築礪石衛城 都指揮花茂建

築甲子所城 千戶盛玉建

嘉靖七年礪石大饑

三十八年定捕盜通判汎地

舊志惠州捕盜通判一員半年駐岑岡半年駐礪石一則可以調停撫賊一則可以備禦海防然礪石去岑岡千有餘里往回動輒二旬顧此失彼勢不能兼府議合將捕盜通判專一駐岑岡任撫民之責分隸和平河源龍川長樂興寧